

ՔԵՆՏՐԲԵՐԻԻ ԱՐՔԵՊԻՍԿՈՊՈՍԻ ՃԱՌԸ ԵՐՈՒՍԱԴԵՍԻ ՀԱՅՈՑ ՊԱՏՐԻԱՐԲԱՐԱՆՈՒՄ

Եղիշե Պատրիարքին Հայոց, Սրբոց Հայկորյանց վանք, Սիոն լեռան վրա.

Պատիվ է ինձ համար ընդունվել Ձերդ Ամենապատվության, Սրբոց Հայկորյանց Ձեր միաբանության եղբայրների կողմից, այսօր տեղ, Երուսաղեմում, Սիոն լեռան վրա, Ձեր Պատրիարքարանում: Հաճույքով եմ հիշում Ձեր այցելությունը Լոնդոն 1955 թվականին և ուրախ եմ, որ կարողացա այցելել Ձեզ այստեղ: Ձեզ բոլորիդ ցանկանում եմ մեր խնդիրները և Փրկչի անվամբ խաղաղություն և խնդիրներ: Ձեր տոկունությունը հավատի մեջ, հավատարմությունը դառն հալածանքների և պայթարի ընթացքում՝ հայտնի են բոլորին:

Անգլիկան Եկեղեցին ուրախ է, որ վայելում է Հայ Ուղղափառ Եկեղեցու սերտ ընկերակցությունը: Անգլիկանների համար առանձին ուրախություն է, որ ամեն տարի Երուսաղեմի մեր արքեպիսկոպոսը հրավիրվում է մասնակցելու Տիրոջ շարժարանաց Ավագ շաբաթվա արարողություններին: Մենք շնորհակալ ենք նաև, որ կապ է պահպանվում մեր Սենտ Ջորջ դպրոցի և Ս. Քաղաքի Ձեր Հոգևոր Ճեմարանի միջև:

Չորս տարի առաջ մենք պատիվը ունեցանք Անգլիայում ընդունելու Ձեր Գերագույն Կաթողիկոսին՝ Նորին Սրբություն Վազգեն Ա-ին: Նրա այցելությունն ամրապնդեց այն կապերը, որոնք շատ տարիներից ի վեր առնում էին մեր երկու Եկեղեցիների միջև: Միասին հույս հայտնեցինք ապագայում ավելի սերտացնելու մեր հարաբերությունները, սպասելով, որ կգա ժամանակը, երբ հնարավոր կլինի մեր երկու Եկեղեցիների միջև

աստվածաբանական խոսակցություններ սկսել այստեղ Երուսաղեմում:

Այնուամենայնիվ մենք տխրեցինք, երբ լսեցինք Եկեղեցու ծոցում առաջացած տագնապի և անհամերաշխության մասին: Բոլոր բրիտանյանների համար Երուսաղեմը լեռան վրա կանգնած քաղաք է, և բոլոր հավատացյալները նայում են նրան՝ որպես միության, խաղաղության և սիրո Սուրբ Քաղաքի վրա: Այժմ կարող ենք փառք տալ, որ պառակտումը վերջացած է և անցյալը՝ մոռացության տրված: Մենք Անգլիկան Եկեղեցում մի անգամ ևս նայում ենք դեպի առաջ և աղոթում այն օրվա համար, երբ կարող կլինենք ավելի մերձենալ Հայ Ուղղափառ Եկեղեցու մեր եղբայրներին:

Ինձ համար մասնավոր հաճույք է, որ Լոնդոնում է գտնվում ոչ միայն Նորին Սրբություն Վազգեն Ա-ի անձնական ներկայացուցիչը, այլև Սրբոց Հայկորյանց Ձեր միաբանության մեկ անդամը: Պսակ եպիսկոպոս Թումայանը օդանավակայան էր եկել ինձ ողջերթ մաղթելու և Ձեզ հղելու իր եղբայրական ողջույնները:

Հայցում եմ Աստուծո օրհնությունը Ձերդ Ամենապատվության, Սրբոց Հայկորյանց միաբանության, Ձեր բոլոր հոգևորականության և Ձեր հավատացյալ ժողովրդի վրա: Թող խաղաղության Աստվածը, որ ի մեռելոց հարություն տվեց մեր Տիրոջ՝ Հիսուս Քրիստոսին՝ հավատացյալ հոտի այդ մեծ Հովվին, արյան հավիտենական ուխտով կատարելության առաջնորդի Ձեզ բոլոր բարի գործերում, կատարելու իր կամքը, գործելու այն, ինչ հաճո է Նրա աչքին:

